



CAtalogus sancto//rum [et] gestor[um] eor[um]

Petrus <de Natalibus>

Lugduni, 1508

Jncipit prologus vndecimi libri.

[urn:nbn:de:hbz:466:1-70797](https://nbn-resolving.org/urn:nbn:de:hbz:466:1-70797)

dedicatum erit: dignus plane in quo christus in via habitet per gratiam: ut tandem in eo in patria habitare dignetur per gloriam. **Ad** ipse prestare nobis dignetur: qui uiuit et regnat deus per omnia secula seculorum. Amen.

Explicit liber decimus.

Incipit prologus undecimi libri.



Undecimus huius voluminis liber continet gestorum et passionum sanctorum differentias quatuor. **Primo** illorum sanctorum quorum dies festiui nobis fuerunt penitus ignoti: sed neque eorum legende potuerunt in aliqua superiorum librorum parte comode collocari. **Scriptimus** enim fauente domino gesta sanctorum: quorum festa per anni circulus occurrunt. **Quibus** etiam addidimus quedam alia sanctorum quorundam: qui vel ex nominis euatione: vel ex alia circa materiam dependentia: vel ex alia rationabili causa: potuerunt certis sanctorum legendis coniungi: sicut presentem legendibus catalogum patere potest. **Restabat** autem aliquae legende: que nulla occasione poterant certis diebus anni locari: quas in hoc undecimo libro reseruauimus describendas. **Secundo** illorum sanctorum gesta

que per obliuionem aliquam suis inferenda locis fuerunt omissa: quod diffiteri non presumo. **Qui** enim adeo presentis memorie occurrat: cuiusque legerit vel audierit per singula cordi recondere suoque recolenda tempore: facile in promptu ad uotum habere. **Neminem** certe arbitror tali potiri privilegio: nisi spiritu prius fuerit afflatus diuino. **Tertio** illorum sanctorum: quorum gesta et passiones post ceptum opus: mihi de nouo apparuisse contigisset: aut in posterum mihi vel posteris appareret: quod propter sanctorum infinitatem et librorum numerositatem accidere: de facili satis est. **Quarto** etiam illorum sanctorum qui per futurorum temporum successiones ab ecclesia militante canonizandi: et in sanctorum numero conseruandi forent: quod usque ad presentis seculi finem credimus affuturum. **Quis** non sit abbreviata manus domini: que et in terris homines de nouo sanctificare: et in celis multiplicare potest. **Horum** igitur etiam gesta presentem conseruanda volumini: non tam nobis quam posteris reseruamus. **Qua** de re nec ipsum opus nostrum certo fine concludimus: eo quod sanctorum infinitas usque ad seculi finem augenda: nec finem habet: nec numerum. **Ad** festa igitur que presentialiter habemus componenda ueniendum est. **Et** primo quidem librum ecclesiastice historie transcurrentes: quedam que ex ipso circa sanctos aliquos omissa fuerant recolamus.

Explicit prologus libri undecimi.